

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
Broj 01-03-9793-5/17
Dana, 13.03.2018. godine
Sarajevo, Vrazova 11**

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-9793-4/17 od 16.02.2018. godine, generalni direktor donosi sljedeću

**ODLUKU
o izboru ponuđača "Verano motors" d.o.o. Banja Luka
u postupku nabavke broj OP 18p/17**

I

Ugovor o nabavci u otvorenom postupku javne nabavke broj OP 18p/17, sa predmetom nabavke **motornih vozila** za potrebe Javne ustanove Dom zdravlja Kantona Sarajevo, dodjelit će se ponuđaču: **"Verano motors" d.o.o. Sarajevo.**

II

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

III

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Komisija za javne nabavke (u daljem tekstu Komisija) imenovana Odlukom broj 01-03-9554-2/17 od 14.12.2017. godine, izvršila je uvid u dostavljene ponude u otvorenom postupku broj **OP 18p/17 nabavka motornih vozila**, za potrebe Javne ustanove Dom zdravlja Kantona i konstatovala sljedeće:

Komisija je utvrdila da su u predviđenom terminu pristigle dvije ponude. Ponude su otvarane po redoslijedu po kojem su zaprimljene i u skladu sa članom 63. stav 4. Zakona o javnim nabavkama, te su pročitane cijene kako slijedi u tabeli:

r/b	Ponudač	Datum prijema ponude	Broj protokola	Cijena sa PDV-om
1.	Blok d.o.o. Sarajevo	15.02.2018	01-03-1463/18	255.846,24 KM
2.	Verano motors d.o.o. Banja Luka	15.02.2018.	01-03-1464/18	271.430,93 KM

Kriterij za vrednovanje ponuda je bila "**najniža cijena tehnički zadovoljavajuće ponude**".

Komisija je konstatovala da ponuda ponuđača "BLOK" d.o.o. Sarajevo, nije kompletirana u skladu sa zahtjevima iz tenderske dokumentacije obzirom da nije dostavljen jedan od zahtjevanih dokumenata - **Obavještenje o razvrstavanju pravnog lica prema klasifikaciji djelatnosti**, a u cilju dokazivanja da ponuđači moraju biti registrovani za obavljanje djelatnosti koja je predmet javne nabavke.

S tim u vezi, Komisija je konstatovala da ponuda ponuđača Blok doo Sarajevo nije potpuna i ne ispunjava zahtjeve iz tenderske dokumentacije ugovornog organa čime su ispunjeni uslovi iz člana 68. stav (4) tačka i) Zakona o javnim nabavkama, za odbacivanje ponude za dalje učešće u postupku predmeta nabavke.

Nakon analize gore navedene dokumentacije, Komisija je konstatovala da je ponuda ponuđača Verano motors doo Banja Luka formalno pravno ispravna, čime je ispunjen kvalifikacijski uslov za dalje vrednovanje ponude.

Komisija je takođe konstatovala da je procjenjena vrijednost predmetne nabavke **218.800,00 KM** bez PDV-a, a što sa uračunatim PDV-om iznosi **255.996,00 KM**. Imajući u vidu da ponuđena cijena kvalifikovanog ponuđača bez PDV-a iznosi **231.992,25 KM** a sa uključenim PDV-om **271.430,93 KM**, što je za **15.434,93 KM** više od procjenjene vrijednosti nabavke sa uračunatim PDV-om, finansijeru je upućen zahtjev na saglasnost.

Obzirom da se u skladu sa članom 69. stav (2) tačka e) Zakona o javnim nabavkama, postupak nabavke može okončati poništenjem ukoliko su cijene svih prihvatljivih ponuda znatno veće od osiguranih sredstava za predmetnu nabavku, ili zaključenjem u skladu sa članom 69. stav (1) tačka a) ZJN, ako se mogu obezbjediti dodatna finansijska sredstva za predmetnu nabavku.

Shodno navedenom, Ministarstvo zdravstva dostavilo je ugovornom organu saglasnost da se neutrošena sredstva po osnovu do sada okončanih postupaka javnih nabavki u iznosu od 15.430,93 KM preusmjere za nabavku 8 motornih vozila iz navedenog Projekta.

Cijeneći kriterij vrednovanja ponuda, ponuda ponuđača **Verano motors doo Banja Luka** ispunjava sve tražene uslove, te je Komisija dala preporuku **generalnom direktoru** da donese Odluku o izboru ponuđača **Verano motors doo Banja Luka**, za vrijednost ugovora u iznosu od **271.430,93 KM** sa uračunatim PDV-om (17%).

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalificiranosti ponuđača te ocijenu prispjelih ponuda, shodno kriteriju iz Tenderske dokumentacije.

U postupku ocjene provedenog postupka, generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je izbor

najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prekšio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- Blok doo Sarajevo
(Ul. Srđana Aleksića br. 26, Sarajevo)
- Verano motors doo Banja Luka
(Ul. Subotička bb, 78000 Banja Luka)
- JN
- a/a

